

42
8

卷捌
中册

藝文

馬關縣志

惺庵題簽



二十二年徵集之書

馬關縣志

周鍾嶽題



文藝文志之五卷捌

安南國訂期立界文

天冠地履為上下之常經君令臣共乃乾坤之大義誠奉君命而不違自識天顏之有喜宜乎恩綸之下逮而慶賞之必行也前據本國於雍正五年十二月初二日恭迎勅諭隨具奏章用申感謝之忱備極恪恭之意貴部院展閱來東知情詞懇切即為馳達天聽上洽聖心其為嘉悅念本國既能感恩悔過踴躍欽從著將四十里地仍行錫賚特簡大臣都察院副都御史杭奕祿內閣學士兼禮部侍郎任蘭枝齋奉勅諭由粵省前來本馬關縣志

卷捌

藝文志中卷

雲南德生石印代印

國可即委大員抵關敬謹迎導再一面委大員赴開化受地并同滇省委員將分界之處逐一勘清畫定界限以便設關立碑俾本國永遠世守等情本國感戴天恩喜逾望外此蓋聖天子威恒八紘惠懷萬國包含徧覆一視同仁亦由貴臺為之奏陳以嘉惠下國公文到日隨差員目范謙益范廷鏡丁文貴阮有用裴似暹馮作奇等迎接天使並委阮輝閏阮公霖等受地並同委員定界事屬歡慶理合亟行第今海暑薰灼蠻煙瘴雨跋涉最難懇待秋初灑氣晴明瘴嵐消霽一面往諒山界首迎接大人龍節於七月中旬起程約八月上旬抵關一面往宣光界

首領地並候上憲委員亦於七月中旬抵界為此具錄明覆希
惟照詳事理早賜回音訂指天使臨開日期並委員臨界日子
俾本國得以欽遵奉

清雍正六年設馬白關開化府移交委員東西定界文
竊照本府等於本月初八日會同貴委面議受地定界建關之
處本府等議以馬白小河以南一里許石山口為界貴委等堅
執以小河為界彼此意見不同論說終日不啻頽瓦唇焦迄無
成議貴委以小河為確係舊界也為查開化府與貴國交界處
所原係府城南二百四十里之賭兒河誌乘開載甚明繼因曠

馬關縣志

卷捌 藝文志中卷

二

雲南德生石印代印

野山深漸至中外混淆竟無一定界址若馬白汛前小河乃貴
國指為賭兒河實無確據前此題請清查於鉛廠山建關以里
數計之去府城僅一百三十里尚不足舊界一百餘里則鉛廠
以內皆非貴國之故物况馬白汛之外乎今皇上念貴國恭順
特降綸音著將督臣等查出之四十里賞賜該國王欽遵在案
並無以小河為界之旨貴國理當恪遵何得固執前非較多量
寡即貴委所云四十里自馬白以外鉛廠以內已蒙聖旨明諭
豈山口分界不在馬白以外鉛廠以內乎若以小河為界河以
外係上坡山路河以內地勢低平有乖尊卑上下之分於義不

可且河以北並無建關之地是貴國有險隘為據天朝轉無形勢可憑於理難安斟酌體統相度地宜確應以山口為界况小河以南即係黑土荒山並無良田村寨是雖於山上建關仍與以小河為界相同揆之以義酌理準情皆當如此不然我朝富有萬方寧各惜此尺寸荒山而諄諄較量不置耶再者馬白之界雖定而左右接壤之處歷來亦無定所本府仰體皇上如天之仁欲作一勞永逸之計則馬白之東馬白之西亦當一一清楚但層巒疊嶂在在皆係荒山此地既以小河為限則東西亦皆以此為憑西至馬蹄坡東至藤橋凡沿邊險要之處亦各立

馬關縣志

卷捌

藝文志中卷

三

雲南煥生石印代印

碑設汎庶中外截然毫無朦混在我朝得居中馭外之規模而貴國有一定之疆域可以子孫世守無替矣緣語言不通傳說恐不能曉暢是用備由移明果否妥協刻即確實回覆以憑定議

清開化府移設委沿邊定界文

欽遵聖旨事本月初十日准據貴委呈文內稱本國與開化接壤以賭咒河為界即馬白汎下之小河此貴委執意必欲以小河為限也又云界址既定則左右接壤之處如有設汎何難一往本府等即束裝以待並令周經歷前往約期隨據經歷傳貴

委云此地以小河定界馬白之西原舊河為界馬白之東自以漫冲河為界此誠貴委折衷之議繼於十一日據來文內稱接壤之西已有小河為界毋庸議接壤之東到窮源處更有山路一條連絡馬蹄等寨以鞍馬馬壽歌通事從瞭旦丁馬喜天漂馬蹄九個寨子地方仍還本國等語查所開各寨河之東並無此等寨名今貴委既以漫冲河為界自應同往確勘河以內歸內地河以外歸外地何必捏造寨名又作將來不清地步若云山路連路山之下豈無河道相通乎本府等仰體皇上懷柔外域務使一勞永逸所以沿邊界址一並定界庶免日後混

馬關縣志

卷捌 藝文志中卷

四

雲南德生石印代印

清今貴委偏聽細人之言輾轉易議如左右不以河為界豈馬白獨應以河為界耶本府等持公會議現在東裝惟俟貴委同往會勘定界一清百清永為遵守幸勿推故合再移明煩為查照速覆

清開化府移校委會同東西沿河一帶立碑定界文

照得本府等奉委會同貴委受地定界一案業已再三面議屢次移明貴委必欲以馬白汎下小河為界馬白之西馬白之東皆以河為界其說亦似近公平惟復惑於浮議開列無名村寨朦混游移是以移請公同會勘貴委又復托病不前只遣吳通

事前來本府等亦委員同往茲據查明繪圖呈報隨查此水自馬白而東由漫冲直入開化大河河之南有漫冲上寨下寨南勞寨牛羊坪寨與貴委前移寨名既不相同數目亦有多寡則貴委係誤聽浮言不問可知今馬白既以河為界則馬白東確應以河為界無疑河南各寨屬貴國河北各寨屬天朝界限分明永行遵守除將定界緣由申詳總督部院憲外合就移明貴委煩刻期即至馬白汎前小河處所公同定界立碑仍委原查之員將東西沿河一帶亦各立碑定界仍具受地定界文結移覆過府以憑轉報

馬關縣志

卷捌

藝文志中卷

五

雲南德生石印代印

清開化府移校委定界出具受地結文

九月十七日午刻接准貴移除原文不錄外為查欽奉諭旨賞還貴國係查出四十里之地至馬白以東漫冲小河內外原不在奉旨賞還地內而本府等屢次言及者緣內外接壤之處向來原無一定確址清楚則便於稽查中外相通在天朝可施撫綏之恩而貴國實多資藉之處况河內諸寨其地係開化土目招徠開墾之地其民皆天朝剃頭辮髮窄袖之民貴委稱係渭川編戶又何所據而云然乎仍望熟計損益勿惑浮議若必不敢自專本府等亦不便遽行立界應聽督院核奪遵行希貴委

於明早至奉旨賞還之所先行定界出具受地文結以便申報
安南阮委領地立界結文

安南委差阮輝潤阮公案等為領地事照得鉛廠山以內馬白
泥以外四十里前經督部院查出併係內地本國仰蒙天恩著
將此四十里地仍行賞賜本月十八日接天朝署開化府正堂
吳開化鎮中營副總府王二位會同馬白地方授地立界以馬
白外小河即本國賭咒河為據其委差阮輝潤阮公案等已領
地立界是實

清開化鎮移覆安南國宣光鎮留守鄭鏡督同黎如琦文

馬關縣志

卷捌

藝文志中卷

六

雲南德生石印代印

移覆事案查安南侵佔開化地土不止逢春里之馬都憂六寨
即如永平里東安里之馬灑雞南丁等一十三寨現據府文暨
各寨控訴夫開化東西南三面皆與交趾接壤而歷年佔去者
不知凡幾止聞天朝將帥為朝廷辟土開疆未聞納貢下邦反
蠶食中華地土滅理犯分罪不容誅緣本鎮未及親自查明姑
置從緩今蒙督部院委勘馬都憂一案試即以馬都憂論之查
通志與圖內刊載開化南二百四十里至陵趾賭咒河為界是
二百四十里外之河方為賭咒河而馬白泥外之小溝不得指
為賭咒河也明矣本鎮施弓勘丈自開化府起丈至鉛廠山坡

下河邊止僅有一百二十九里不惟馬都憂六寨為界內之地
即至南丹等處皆界內地也該國越界侵佔又敢妄稱千歲殿
下狂悖欺天渾身是膽真盛世之亂臣王法所不容若據此奏
聞則爾等死無遺類矣姑念爾彝人如同木偶一任漢奸播
弄諒從寬典合先飭知

雲南總督達開化府書

逕啟者滇省自光緒七年法越構衅奉旨辦理邊防添募勇營
購辦軍火出款日增在前督撫部堂任內即已提用司庫歷年
存積銀兩自英督師出關千里餽糧費用益鉅藩司移款就急

馬關縣志

卷捌

藝文志中卷

七

雲南德生石印代印

遂至挪用銀本借貸商款蓋自法人開衅朝議主戰在事諸臣
孰不欲一伸國恥竭天下之力以與敵從事不獨滇省為然也
即如素稱繁庶之廣東福建歲入之項數十倍於雲南因辦團
務急急借洋款至於千數百萬朝廷亦不為遥制况滇省地瘠
民貧承平時兵餉尚賴別省協濟當此大兵大役其支絀情形
實為中外所共見且自出師以來添新補舊募兵至三萬餘人
轉戰數千里之遙一絲一粟俱由內地轉運歷時三載隨征兵
將陣亡瘴故六十餘員而合計用款不及他省十分之一仰荷
聖明鑒及苦心現飭應協滇餉各省將歷年欠餉限半年內解

足三分之一以贍滇軍奈緩不濟急不得已而始欲借貸民力
是以有捐輸之議亦因前年省城開局修志重建塔坊一經捐
議如何雲樓吳敬堂丁衡三諸軍門及凡舊部中之稍有身家
者無不慨捐千數百金以成善舉今因奏移臨沅鎮於蒙自開
化鎮於馬白添建城垣衙門修造邊隘營碉加以騰永新增防
軍西南兼顧公帑不給英於蒙自工程倡捐銀伍百兩開化工
程倡捐銀伍百兩其餘官紳無不盡力捐助始議挨戶捐掛上
戶僅令捐銀三五兩以次遞及減至三五錢貧家小戶概予免
捐以門戶計大縣不下萬戶小者亦僅有四五千戶各秉天良

馬關縣志

卷捌 藝文志中卷

八 雲南德生石印代印

毋相欺隱上戶下戶長短牽算以每戶捐銀五錢計一屬可得
三五千金積少成多於民無損於公有益曾與中丞往返商訂
意見相同乃見諸施行况前年已經奉旨開海防捐輸復經中
丞會奏改為束捐勸辦經年應者寥寥英稔知滇民素鮮巨富
難得報捐之人乃與官紳公議挨戶捐掛雖經兵燹之苦豈無
報效之忱每憶在滇廿年而士民相依為命及削平大難同登
衽席軍務肅清即請減免荒蕪錢糧停止民兵厘谷報效軍需
欠款加廣永遠中額以冀上不負吾君下不負吾民自光緒八
年復膺簡命重蒞滇疆下車伊始即裁夫馬紓民力開志局以

徵文獻添鋪面以增卷金設節堂以恤孤嫠重塔坊以培風脈
凡有益於滇民之事無不與官紳力求興作今因國用不足取
民私毫想各屬士民之中不乏深明大義之人諒無私相怨懟
之意且此項捐輸銀兩事後奏請加廣學額使富庶省分聞知
亦共推此愛國戴君之忱報效國家且使外洋之人亦知中國
民心固結羣相效慕不致時萌覬覦動輒侵陵尙祈閣下即將
此意勸導紳民俾得共見共聞咸知此項捐輸關係國體民情
者甚大毋為莠言所惑則全滇幸甚

太沅兩烈婦序論

萬重質

馬關縣志

卷捌

藝文志中卷

九

雲南德生石印代印

嘗覽下史二公所紀郭家潘唐兩烈婦大畧竊慨天理不絕於
人心浩氣之流行不以方隅限嗟乎儂匪之禍烈矣嘉慶初春
儂夷王老念叛率兵未至開化敗於大沅舉逢春東安兩里其為村寨者三百餘編

戶數萬計黔首數十萬人當妖氣煽起蒼黃亂離之間父子不
相保兄弟不相守夫不相顧其妻拋之而敝屣若者有之妻不
顧其夫擲之而弁髦若者有之阿澄油忍爛額焦頭向賊呼號
號請命乞緩死湏臾否則狼籍烏合縱詭隨以焚掠為逞賊黨
助其男子若是者紛紛不計其數也若婦女弱質耳其何能為
賊之得而踐踏之者何所不至稍不遂則燒殺之終不免於死

夫不從死也從之於死等死也孰得孰失潘與唐早計之矣潘為郭孫賈妻唐為郭孫贊妻為妯而唐為娣當是時賈與贊都不顧其妻逃之密林深谷况之人以為二氏有絕色將為獻媚賊魁免合寨屠戮計乃梓潘唐鎖閉別室中詰朝即獻之矣於是二婦觀室中有板緊鍵其門相對投環死卓哉此一死也可免逆寇之污辱之死也重於泰山與日月爭光也繫諸忠臣孝子義士見危授命決腹捐軀於疾風板蕩中而不恤者何多讓焉以扶人倫持世教挽頽風身雖死而理不死而神不死流芳千古所爭祇此一死耳願以告後世閨中人並警賊之

馬關縣志

卷捌

藝文志中卷

十

雲南德生石印代印

悖天逆理不轉瞬而誅殆盡矣

解時艱論

解佩文

竊聞君父之仇不共載天而忠孝之行所以成己是以仁者不因欲而致貪勇者不逞忿而忘義智者不失近而忽遠蓋天地間一草一木莫非造物之好生一蟲一蟻要皆聖賢所憫恤而况蒼赤之元元哉所以自古聖君良相莫不體天地好生之心本聖賢仁民愛物之意處則各盡乃心出則各盡乃職不妄取一物蓋其視天下為一家視萬物為一本視中國如一人推己及物終身行之斯其人足與日月爭光與天地立極典籍所在

固彰彰可考也夫施報之事本天地福善禍淫之心帝王賞善
罰惡之典固人情所不能免然亦視其輕重緩急何如耳如仇
係君上豫讓所以漆身而不顧也仇係父兄伍員所以鞭尸而
復國也至於范蠡為越而報吳張良為韓而報秦武穆為宋而
報金此皆素本敵國兼有擄掠君父劫殺百姓爭奪城池之慘
以故切齒痛心誓不共戴若仇非關君父非係生靈則齊桓猶
釋射鉤之怨晉文頓忘斬祛之仇秦穆獲盜馬之賊而弗究楚
莊赦摘纓之罪而不追他如相如廉頗兩釋其恨甘寧凌統兩
解其冤何哉重於國而輕於私急於君而緩於身也開郡自回

馬關縣志

卷捌

藝文志中卷

十一

雲南德生石印代印

匪倡亂以來殺害我民人焚燬我家室挖戮我墳墓淫污我妻
女離散我父子兄弟蕩棄我家財田產此真切齒痛心之仇千

古莫伸兼之水火飢饉瘟疫豺狼諸大劫屢屢漸臻

自戊午年大飢後米

谷高貴甲子乙丑丙寅三年
間怪哉有豺狼到處傷人

死亡者十有八九甚至子藥鹽糧

軍需之費出自民間六七年來滿地瘡痍如哀鴻之無依如黃
鳥之何集斯亦目擊者所大不忍言矣况鯨寡孤獨之窮民而
無告者乎即在列神衆仙猶且隱然悲傷惻然哀痛救劫不逞
如附體出征勦賊降况有心斯世者謂能隔膜視之乎爾開邑
孔勸世顯靈等事
眾頭領官人數年血戰皆有汗馬之功保奏朝廷將來稍有承

卒不難凌閣書勳雲臺拜將目前妖氛未靖正英雄豪傑
協力同心勦賊之時上以抒君父之難下以解倒懸之苦斯不
愧忠孝兩全仁勇兼備且受千萬世馨香之奉矣夫何忘乃公
怨指回逆 徇乃私仇指文武 結乃黨援爭相報復操戈入室即
引回匪盧春田 文郎張發功等自相矛盾而且困城池絕柴米斷道路殺過客
即李自定呂品賀達等與 孫健何連順關殿關事 使城鄉受害四野皆驚此何意哉將
欲借復仇而困城乎抑欲擄掠財物乎則是白旗所為而今又
安在哉夫報一二人之仇而使千萬人受其害仁者不為也逞
一己之私忿而使皇城有壘卵之危勇者不為也雪一時之恨

馬關縣志

卷捌

藝文志中卷

十二

雲南德生石印代印

而使千萬世被不義之名智者不為也况所仇者非關君父之
大非係百姓之憂不過因讒言惑亂平地風波致使口舌微嫌
釀成巨禍即使利害切身亦非有意可以相原何妨杯酒間釋
之斯為丈夫器量豪傑胸襟夫我開邑猶一家也爾頭領猶一
人也衆百姓猶子弟也而皇城是君父之授與官長而與一家
人共守之者也若有敵國外患且如手足之捍頭目子弟之衛
父兄救之不暇即使賞罰有不平之處而神明自有呵護之私
念其官長亦可相原曷弗靜而思之且惻隱之心人皆有之假
使頭領等父母家室亦在圍城之中無辜受累其心豈能自安

則曷不推己及人釋一二人之冤恩猶淺釋千萬人之怨德更深也今夫禍福無常得意謹防失意昔伍子胥報仇太甚而秦師一出幾至窮奔漢昭烈為關公報仇欲殺盡吳人而陸遜陰謀轉致喪敗豈非前車之鑒哉今吾神不忍生靈塗炭特奉玉旨臨壇降乩勸爾等急急深思早早回頭釋私怨而結公憤體天地聖賢之心效豪傑志士之為慎勿蹈不仁不義不智不忠不孝之行致干上帝之怒可也

滇中十不平

大凡物不得其平則鳴天下之不平人心之不平為人心

馬關縣志

卷捌

藝文志

十三

雲南德生石印代印

之不平惟滇為甚今舉其大者言之以明滇亂之由夫漢回雖屬異教然皆國家之赤子也粵西回匪肆逞糜爛東南不聞舉粵西之人而盡殺之回民構衅爭啟弄兵乃并舉回民之婦孺而草薶之激江回逆據城隅邑方欲積錢造物以招撫之迨東良回安居樂業乃聽讒言而誅夷之是非倒置勦撫乖方是不啻盡驅全省之民盡皆從逆全省之人盡罹荼毒不止也夫以堂堂大吏煌煌來滇賊方孤軍深入主客之形不侔衆寡之勢不敵不於此時出奇定計內外夾攻而遽甘城下之盟立會邱之約賊紮萬壽宮城閉五月欽差督撫各大吏無可如何許給

城外房屋居住然後退去失策誤國不亦甚乎今乃不懲創於
機先復欲驅捷於撫後使奸回借口良民危疑煽脅蜂起一戰
而武定失再戰而蒙姚亡迤西州郡半為賊有而運籌帷幄者
猶復不度德不量力不守出財賦之鹽井而與賊爭僻處之馬
街驅虎出柙楚雄全陷官紳士庶慘遭荼戮哭聲震野天地變
色而大吏泄泄自如也此人心之不平者一也滇亂已五年矣
費帑已鉅萬矣使其訓兵節餉財歸實據何至賊勢蔓延乃考
滇額設兵四萬三千有奇兩標守營共有十分之一今合各弁
之廝養各汛之分防各街站隊之老幼湊雜而並計之不滿千

數而外府之缺額可知也省兵雖缺而月支糧餉無異夫官以
制軍撫軍為名戎政是以專職况當此用兵艱難之時既給其
餉應核其兵乃賊氛愈惡營制日弛任滇數年無所事事任而
不知是為溺職知而不察是為沽恩因循瞻顧玩視邊防勢不
至舉全省而委之於賊不止也此人心之不平者二也各處所
招鄉練既顧其鄉安望其勇况此輩皆游手無賴之徒爭餉則
勇遇戰則怯畏回如虎殘民如狼以少報多空糜兵餉飾敗為
勝要求賞予命之出敵則先肆誅求後擺隊以揚威命之攻城
則坐守逍遙俟飽颺而後進獻功則枉殺良善賊退則分肆焚

掠稍裁以法即與賊通大吏明知故縱舍厚爵以媚之寬禮貌以待之自謂機權妙用使詐似貪而不知伊等明告奮勇實欲遂其私圖愈事姑息愈長刁風所以魚肉良懦毆逐官長逞亮則知州可殺挾仇則監司可奪屢受其患而不悟冀收其効而不能是何不以此虛靡金銀振作或行招募村勇以圖實效乎此人心之不平者三也各省定例各班出缺本班無人方准別班升署乃滇則不論班次毫無章程州縣盡皆閑住差委牛屬微員實缺多擱省垣本班反委坐襍藩經委大使大使轉署藩經知縣署本府本府反委知縣幕友而捐府經未驗者即委司

馬關縣志

卷捌 藝文志

十五雲南德生石印代印

馬是違幕官之禁也劣員幾激民變一到省即委大姚非以門生之故乎袒同鄉則監生可辦軍局徇情面則丁憂可署印官委皆踰条而藩司不得舉其職巡捕委家僕則傳遞可以便其私甚以厨役亦操官員予奪之柄藩司詳委掛牌申斥小人一言立即順從是方面之大員不如一無賴之小人矣忽予忽奪名分蕩然此人心之不平者四也夫委署不循資格猶可借口以不次掄才乃滇則有情者安坐越升無情者勞苦罔恤查街巡夜半遣官親視缺羨差悉皆鄉故親子互相保奏居然托祈奚之風愛婿亦冒軍功在家來明府之職辦案者一家朱紫推

恩何優保賤鬻以充囊隔省之親既冒功而升知府賄賂公行
札付濫給此人心之不平者五也賞縱不公罰宜服衆尙不警
百爾之心乃今則疎防忝及幫辦而失守者轉獲安全在任賊
至桑城而在省者反忝遲悞捐項並無鯨吞聽讒重罰縣官原
未失守冤革難伸合家被難卹典無聞印官捐驅奏報不及夫
殉節不如偷生則保身者衆同罪偏加賞罰則寒心者多此人
心之不平者六也更可駭者昆明人馬鄉名馬蘭首縣舊僕後
充坐省因資其囊橐與有私也指捐通判濫保同知凡兩院之
苞苴皆一人之過付得其一語無不立應通關節者即得美差

馬關縣志

卷捌

藝文志

十六 雲南德生石印代印

與齟齬者永俾沉淪無籍可稽之員月費私分即署蓋邑甫經
撤任之令黃金代進旋委昆明甚至督辦總查六城統轄文武
管帶兵役是以奴僕而儼然一督矣且查井甫歸並未稟見銷
差反先鳴騶屈節往拜其門是非素與私昵何至如此之殷勤
乎駭人聽聞不顧名節此人心之不平者七也我朝憲皇帝公
耗羨而增養廉本周官祿以馭貧之意典至渥也咸豐初年軍
興帑乏各官廉俸已皆扣折然京中定例惟三品以上停留以
下仍舊蓋以小臣需資祿養存數無多故損上益下以示體恤
今滇自迤回搆衅以來無論正雜各員一切停止大憲千萬之

廉俸按季送贖武弁應得之錢糧按月支領獨此在省之州縣坐雜區區數十員赴任無地坐食山空不得稍潤分毫暫支體粥而大吏則安坐素餐尙肆貪婪屬員則仰屋興嗟日須典賣弁目則鮮衣怒馬各擁厚資文員則啼飢號寒盡皆枵腹是有官不如無官為官不如為卒不如兵不如民並不如蠢賊無賴食練之徒虛受皇恩辜負定制此人心之不卒者八也當此無兵無餉賊至猖獗之時全賴守土大員力籌撫綏乃自五月而楚雄失守人心皇皇及今數月並不實求守禁團結人心而始則翠海賞荷繼則家眷潛走民間方有秋後賊至之謠不思所

馬關縣志

卷捌

藝文志

十七雲南德生石印代印

以鎮靜之反先去以失民望將卒日乾歿之財賄盡運回家首先倡逃何以責官民之固守乎此人心之不卒者九也夫此二員者一則廢員特簡一則臬司超升節鉞榮膺天恩高厚宜如何感激圖報力失公忠乃軍情不以實奏失地每多彌縫大理久失恢復何日武定三失肅清何時保奏動盈千百究建何功糜餉已過億萬究擒何賊官印多失而隱匿不奏要地屢陷而大言不慙非無才智專為其私非無威權借以納賄至若漁色徇情猶其過之小焉者也今藩籬全失諸帥敗潰省垣危如壘卵此時能深悟前失力改昨非公賞罰以收士心核兵餉以歸

實用尙可補救於萬一而猶喜諛惡直任情妄為廢棄老成專用浮薄寄背小為耳目恃烏合為干城失地喪師欺君悞國貪以販官如墨不卹人言天之德曰生不卹民命不廉不法不公不忠此人心之不平者十也嗟乎不平若此滇亂其能已乎昔唐用張虔陀輩蒙君黷武雲南遂淪於南詔是何古今一轍也悲夫

敬謝馬關父老書

伍玉成

馬邑不幸災禍頻仍饑饉漸臻凶荒迭繼重以地處遐陬城臨邊陲種族則漢夷雜處壤界則中外毘連雲縵星繁原非易治

馬關縣志

卷捌

藝文志

十八

雲南德生石印代印

昨因軍事發生宵小乘間妄動荏苒野荆棘滿途殺掠焚燒不堪蹂躪政府苦鞭長莫及人民慘杼軸皆空幸得大軍抵關竟能一鼓而下鄙人間關來此承乏是邦百廢未興諸端待理癯鶴哀鴻入耳盡呼籲之聲救弊扶衰問心無纖毫之力且成少年失學壯歲從戎既乏濟之才復少江山之助汲深綆短任重材輕蟲蚋負山深虞隕墮尙望地方父老不吝教言特以藥石相規用開茅塞之憶庶能咸與維新與民更始夫移風易俗雖不敢望治淮陽而賣刀賣牛或者能免追渤海私衷耿耿寢寐難忘此佈臆伏候教言古盤石菴伍玉成啓

九月二十四日

朱選廷先生遺像讚

翳維先生生有善長令德懿行至足表揚先生家世原籍章貢
來居雨波名高望重先生妙齡入泮採芹學問淵博奮志青云
先生壯歲潛心實業富亞一方遠來近悅先生老年嫻習堪輿
尋龍點穴自備壽基先生享壽七十有五含笑西歸龍飛鳳舞
先生身後子孝孫賢螽斯衍慶瓜瓞連綿我於今春來長斯土
題讚數行遺像千古

龍陵張自明敬題

傳藝文志之六

馬白紳耆合傳

唐世楷

馬白關為滇省藩籬開陽鎖鑰具在前清與越南定界特設汛互市沿邊一帶屯兵戍守通商往來盤詰奸盜凡地方遇有交涉蠢動不法情事悉以歸其驛傳巡緝送之有司處理百餘年來安堵如故雞犬不驚勿勞紳士擘畫也迨咸豐六年退回肇叛因城陷邑勢若摧崩百姓震懼有率其妻子家口潛度賭咒河者意以隣國為逋逃淵藪或可棲息而苟全性命無如該國土日無異強梁以殘忍為心不惟拒之弗納且聽其手下戔兵

馬關縣志

卷捌

藝文志

二十雲南德生石印代印

肆行劫掠竟將隨身行李銀器搜索罄盡民之受害含冤者難以悉數傷心哉民之呼號奔走至于如此其極也當此之時民心靡定有街紳李君世榮號衡山趙君宣榮號鏡堂者出鎮靜維持勉以忠義令其還家築營壘辦硝磺備器械效死弗去可以圖存一面聯絡下甲街寨首領挑選壯丁會同各里鄉勇火速赴城救援幸天助成功神人共憤不旬日而西山告捷城危解矣至於賊所佔據之處亦次第克復矣雖然賊退百里之外而防範不可稍疎由是設立公局辦理捐運軍需以為進攻守禦之策五六年間方謂同心同德酌天謝地民得安枕矣不料

開化城分兩半同室操戈有報私仇而忘公義者

指文武不睦孫李何呂龍

邱諸練頭各爭意見引狼入室

指句白旗回匪

殺戮無辜魚肉良善蹂躪鄉

邑殺人父兄淫人妻女擄人貨財奪人田產燒人房屋不記其數

內患方息外侮頻臨當苗王

擾邊之後又有游匪黃崇英者盤據河陽

指外城

率其醜虜烏合

之衆千有餘人進襲馬白李趙諸人時有戒心預籌善策乃調

集附近街寨鄉勇到關迎敵一戰而追奔逐北賊退二百餘里

我兵陣亡受傷者不過數人斬獲首級無算從此崇英銳氣盡

失知我邊關不可輕犯然渠欲籌辦都竟銅廠又恐兵連禍結

以致脩書請和而戰爭乃已竊念馬白地當衝要全滇雖然肅

馬關縣志

卷捌 藝文志

三 雲南德生石印代印

清而游勇不時滋擾舉凡官吏之出入軍隊之往來倘招待稍

疎難免受其鞭朴苟非趙李諸君之處置咸宜則為居停者雖

欲小休小愒不可得矣而尤有難焉者於光緒九年法越構釁

越明年雲貴總督岑毓英帥師出關值此大兵大役之來一旦

艱鉅雜投辦理設有未善則官威赫赫難保首領以歿况奉諭

採辦米糧百石運赴前敵以資軍用嗟乎彈丸小邑山多田少

且二君年逾古稀膺此重任憂心如焚維時街衆公舉李君威

達字彩亭相助為理乃調集三里附近頭目設立團防總局各

司一事以分其勞泊乎議和班師與法劃界稟請上憲收服都

童一帶地土時有知事覃克振為民請命特美其里名曰歸仁於馬建書院以樂育人材請移衙以固疆圉是皆彩亭與熊君學文倡首之力居多夫熊君武員也以出關保奏得功膺都司之職其為人也粗知大義熱心公益凡一切有裨於民之事亦嘗盡心力為之然未若彩亭之任且專尤未若衡山鏡堂之力且久也今者回憶昔年列台辦理公事無怨無尤以布衣終老矣然人雖亾而名猶存者何哉閒嘗往來局中耳聞目見素稔其為人之實趙君鏡堂剛方正直處世知敬知愛有果行育德之心李君衡山學術淵雅立言不卑不亢有善於辭命之才且

馬關縣志

卷捌 藝文志

二十三 雲南德生石印代印

繼以李君彩亭協中共濟不剛不柔各盡所長數十餘年卒能安內攘外輯其民人以保衛桑梓者雖古之賢良能吏不足過也惜也生逢亂世養晦韜光不求聞達稽古有臨雍養老之典彼三人者如切如磋如琢如磨論其勲勞即列之三老五更之位亦庶乎不負其苦心矣 楷不敏學術淺漏愧無絺章麗句為之生色茲逢採訪續修縣志恐其年久就湮不過畧述其梗概特從而表彰之亦以示後之當公有所觀感云爾

劉公騰桂傳

劉公騰桂號馨山者例職奉政大夫公善草書筆勢頗似張三

丰因又號三丰所書寸線尺幅邑人爭寶之性尤剛方豪爽有大志多奇行公今江西吉安人家甚貧作小負販來滇至於邑稍有積蓄遂家焉初公未嘗識一字至是始偷暇作夜讀天資敏異不久通經居然落筆成文惟科制籍貫之限最嚴實不能與滇士子角勝負於名場乃報捐一同知雖無緣出仕時有霖雨蒼生之志其母夫人由吉安迎請來邑菽水承歡有頃母夫人忍鄉復躬送慈輿回籍取道桂粵沿途開壽筵陳百戲求所以娛親心者惟恐不至既抵鄉奉侍終年凡養老必須皆置備妥全諄囑諸兄弟小心孝養莫違母意書所稱養志公無愧焉

馬關縣志

卷捌

藝文志

二十三 雲南德生石印代印

當光緒初年幕官污吏好貨病民窮鄉僻壤釐稅重複民愈怨苦公疾之而未發也有通海商人雷保發張友和林先榮龍在興等請於公謂稟脫釐金一道願酌資三千金公作色曰是吾志何在乎酌遂投詞稟大憲立約封關凡屬商賈非俟控案解決不能運貨出關本府堂官恨之次骨飛籤提挈公則迂道晉省請謁大吏面剖周詳至所控得直計告脫天生橋楊柳井鳴鷺釐金共三道原請稟控之商人乃竟不謝一錢公則一笑置之而公所積資亦稍稍盡矣其豪情勝概猶似曩昔卒年六十有八生平義舉甚多其告釐金一事尤膾炙人口云

左劉氏傳

江勵山

左劉氏故同知劉騰桂之女左君大忠之妻也幼承庭訓長嫻女紅秉性溫良操行高潔十八歲來歸大忠奉侍祖姑以孝聞生子名進思及二女清光緒庚寅歲大忠即世氏二十有六進思未滿六歲長女方離乳次女纔數月耳家無擔石凡棺衾所需悉簪珥為抵償喪葬畢家愈匱氏乃矢志相舟持家撫子殊不以窮乏介念一家數口賴氏一針之所入勤苦可知矣然氏以夜工傷目遂成近視勤劬尤過昔不敢自暇逸欲以身作進思則也進思質敏有志於學十歲就外傳每夜氏刺繡子溫書

馬關縣志

卷捌 藝文志

二十四

雲南德生石印代印

恒三鼓始息焉及光緒庚子進思將及冠氏已積勞成疾遂不起臨終猶敦戒進思曰古之和丸畫荻者我嘗欲效之柰天不祚左使我不得見汝之成立也我死後汝當以古人自勉之進思服膺母戒未敢自暴棄從學數年文思精進然科舉已停青雲路阻因棄文就武考入隨營學堂課試屢拔前茅畢業後進身軍官軍佐素著功績現今官保少將雖避時退處而進取尙未有艾此彼蒼報左氏之劬勞與進思之孝行所致也氏去今未遠其事實猶存昭人耳目然非一人所能盡述余前在關做館課徒與進思有同學之誼故得伊母巔末茲值修志盛舉特

採編事實附諸志乘彰既往而勸來茲豈惟一家之光

貞孝李玉珍傳

左進思

李玉珍本關李宗富女也年方髫髻許字於本街王自仁自仁習武因勞致疾未成婚而自仁卒玉珍不欲獨生朝歎毒而暮投環皆為父母防範而免其兄芳春習儒業者也乃勸之曰妹欲殉未婚夫固為烈矣但有父母在而不一念及養生送老之道其如孝何玉珍曰兄以孝義相責妹何敢固執惟此後日月不過忍痛偷生以奉父母人世幸福此生已矣遂長齋繡佛前除侍父母外足未嘗移閨閣跣步且家計素窘恒苦針黹以佐不

馬關縣志

卷八 藝文志

二十五 雲南德生石印代印

給追父母歸山嫂亦去世兄復暮游在遠潦倒不能歸所遺子女幼甚幼稚賴玉珍撫育之至今男已婚而女已嫁矣玉珍未嘗有德色守貞已歷三十餘年靜默寡言和靄可親雖禮佛而未嘗履菴寺其品節行誼自非尋常無怪夫鄉黨中人每談及玉珍事輒崇拜不置也其兄芳春竟客死粵東續娶之嫂尚艾竟抱遺孤以歸矢志靡他姑嫂相依以針黹生鄉里並稱之

序 藝文志之七

勉諸生進學序

葉生春

諭爾青年秀士黃卷書生自古英流卓越必原經史由來俊秀
 沉酣每在簡篇董江都之惟下十年琢磨非少韓昌黎之文雄
 八代攻錯居多附鳳攀龍俱是人間之子登雲步月原非天上
 之人勿見易而思遠勿畏難而坐廢勿得心而自足勿把臂而
 濫交漫言此匪無傷遠荆棘方能無刺莫謂親賢可畏近芝蘭
 畢竟有香立定脚跟勿受轉移風氣放開眼孔方將睥睨賢豪
 感深貧士之心螢光五夜冷透窮孺之骨雪案三更茹古含今

馬關縣志

卷捌 藝文志

二六 雲南德生石印代印

得味處須細嚼揚芳搗藻有疑時再尋思遵惠迪從違之箴厚
 培心地佩敬業樂群之教廣藉書田謝草必芟山徑時防茅塞
 江花入夢毫端務使彩生抑且天性中自有真機惟求存養况
 夫方策內方鏡佳趣祇任鑽研體光霽之胸挾風雲之氣盡錙
 銖之取成錦繡之懷筆戰棘闈定要胸藏五庫名登藻榜皆緣
 腹有珠璣裁成宮樣之文聲俱擲地湧出泉源之思筆欲摩天
 月窟可探不外心專蝌蚪天根欲扶何妨身作蠹魚三餘之道
 味偏賒恬吟密咏萬卷之書城難困破壘衝堅志銳克通自見
 驪珠可得心精必到何愁蚪腹不開學成倚馬之才錦標早奪

造成雕龍之技，臚唱高喧，同坐難忘，詎甘心落人後去。各展驥足，當勵志為天下雄積寸晷，以成年流光。易過會百川而到海，逝水不回，矢沉舟破釜之心，奮鷹膽卧薪之志。青雲有路，當為可畏之復生；白首無稱，莫作徒傷之老大。各書座右，以作銘言說。

仁和周氏十室莊序

張自明

庚午歲將闌，余卸麻督蒙來長馬關，暇即出郭散步，見南山青翠可愛，一峯高出雲際，詢之為仁和近山，欲往遊，未果。今夏以事須親臨其地，乃率黃君又新輕騎簡從，冒雨行三十里，休於

馬關縣志

卷捌 藝文志

二十七 雲南德生石印代印

山半望遠，近諸山如盤中俎豆，擊節嘆不置。新笑曰：此非仁和之山比也。復行十餘里，但見層巒疊嶂，闢麗爭妍，林木陰翳，人家錯落，炊烟縷縷，向峯頭飛去。直一幅圖畫。余顧謂新曰：此中必有隱君子也。新指曰：茂林深處，倚山而居者，周君雅言之十室莊也。雅言淡榮利嗜金石，侵辰種樹，落日蔭花，莊之四圍種菓樹數百。迄今已桃李含吳梨盡結實矣。余聞而喜曰：雅言真雅人哉。廿年不見，何高蹈若是。移時，雅言拄杖來，鬚髮雖半白，而神氣健在，相與談往事，訢離愁，登玉書觀，古柏坐許棋之石，攀放鶴之松，清風徐來，爽人心目，俯視十室莊，已被萬杉掩盡。

乃穿林下巖方入莊門祇覺花氣襲人身心俱適莊樓雖三楹
佈置井然左齋右廚不流俗套群芳植滿牆陰而紫竹黝然覆
牆際門外三峯排列峰外有塘塘外復有高峰清流活活繞莊
足貴人左峙麒麟右護神工鬼斧絕妙無窮余遊大江南北名
山別墅收入行囊者不少而此十室莊亦可謂別開生面矣乃
欣然謂雅言曰十室之邑必有忠信君子居之樂天知命

問瀛樓序

張自明

劉君作樑字柱邑之誠達士也居常寡言笑善養生之術復
精建築其家近市塵而地面狹小構樓三楹以兩廂之頂築平

馬關縣志

卷八

藝文志

二十八 雲南德生石印代印

台四圍遍花木天井上置葡萄一架架下設小座逼近窗外中
廳甚寬敞佈置雅然匠心獨運不可多得余治郡之八月倡修
縣志邦人士覓地設局無所適余指此咸喜其樓之清曠也劉
君亦樂而相從焉於是濟濟踴踴一堂問答諸君子深知縣志
之關係甚重皆趨事赴公無倦容余則一日一至或一日數至
或牽於事而數日一至至必登台以娛目蓋斯台居高臨下人
家層疊出兩腋間四面奇峯羅列鬱鬱蒼蒼五老三星分五左
右又如羣龍仰首天矯奔騰似爭趨於台下亦若諸君子欣欣
然齊赴局理事而不暇不亦快且慰哉一日夕陽在樹見兩峰

外雲天一碧點綴如潯陽江流數小舸輕搖傍岸情景逼真余
急呼柱臣鶴莊觀之鶴莊曰是真潯陽景色也輯麟問又如銀
海澄空樹色蒼翠環繞二三樓閣舍謂柱臣曰君樂於修造亦
知瀛洲為何物乎此際之景物恐瀛洲不啻也君之樓即以問
瀛名亦即問道之意矣鶴莊善之柱臣樂之余即言而贈之特
辛未中秋後二日龍陵張自明識

碑記 藝文志之八

縣城壽佛寺碑記 嘉慶五年

蓋聞仰觀天地之造化俯察品物之流行惟神人中處其間是故神也者誠也惟誠敬一念而已所以古帝王之御天下也大梵小刹莫不皆然獨非創造之始必集誠敬之心憶佛自西天教流東土大唐尊崇天下自其肯出而壽佛化生南天托跡湘山香火綿綿不墜由是晉天率土寺院巍巍其神靈之顯耀如響斯應也無如僻處山陬境連陔界建寺繪像數十餘載年深久寺宇崩剝棄舊迎新難以推委眾寺日擊心傷豈忍袖手旁

馬關縣志

卷捌 藝文志

三十一

雲南德生石印代印

觀而作局外想慨實甚矣思之思之前人創之于前後人當繼乎後于是合省公議共勦厥事開緣募化亦藉佛祖顯應無方凡吾楚人一呼百諾人人欣悅在在樂輸雖不能輝煌寺宇以妥神靈而復修殿宇煥然一新入廟告虔以見閩省之同心告厥成功也今幸兵以誠感神而神佑無疆之祉杳杳冥冥之中自有降祥降福爰勒石于後一以紀善姓功德於不朽並不昧領袖者晨昏功苦之勞法免後啟者覽此而復振於無窮矣是

序

文昌宮碑記

道光甲辰年

李伯山

蓋聞神所憑依在德帝之降鑿惟誠不為祭享而降福不為失禮而降殃至於報功崇德則有事所必至分所宜然者如我文昌帝君化行天下主宰文衡故聖祖仁皇帝大隆祀典與宣聖合而為一人焉及來滇適觀開陽建修非一然皆曰廟而未曰宮也名曰宮者別於省也故於庚寅年二月初二日偕耆成鄉友携手相告曰吾輩聚處於斯禮祠不振既無以昭神明之德且無以立人紀之原有念及此諸翁樂從焚香達信冬執生庚而誓曰為始為終毋荒厥功若有藉公利己者天譴雷誅承諸公概意當得錢廿四千四百廿六文自此勺水漸積至丙申

馬關縣志

卷捌 藝文志

三十一 馬關縣志石印代印

年冬月初五日暨立正殿戊戌年修左廊辛丑年培左廟鑄鐘甬鼓兼造葦淨廚房碗蓋燈綵癸卯春捐資彩畫裝塑聖像造置旗傘等項甲辰年六月初七日開光歷年來鳩工庀材共費銀壹仟陸百玖拾肆兩三錢在近鄉友自食輸來之力姑不盡述功德數共計壹仟叁百伍拾陸兩貳錢伍分其不及而猶有餘者皆種種陰功所積也噫微諸人之力萬不及此微聖神之祐亦不及此敢曰某氏之善某氏之勞哉願拜而頌曰為聖為帝為佛速異心同巍巍鼎祚昭千古化民化國化緣地靈人傑濟濟英才感萬年若夫脩飾潤色更望群公有志君子歎

壽佛寺碑記

嘉慶五年

謝景章

聞靈鷲峰前殿閣巍峩霞光萬道冲霄漢布金園內樓臺壯麗
瑞氣千條映虛空古云極樂世界佛國勝境良有以也及後漢
代以來迎佛像於中華建梵刹於諸郡寶閣玲瓏樓照耀寰宇護
國庇民海晏河清百靈下降由是而壽佛出焉夫佛也蓋夙世
舍利轉化南土故而修因因於雁峰烟雨霏霏護蓮臺悟果果
於湘山慶雲冉冉擁法座男女禱祈響應立顯澤及萬民楚實
賴焉非惟荆湘則然抑且南邦是式客默也客滇也孰不沐其
恩惠居市也居廩也誰不蒙其默佑是以殿宇林立佛日光輝

馬關縣志

卷捌

藝文志

三十二雲南德生石印代印

豈獨馬白哉夫馬白境連邊域雖非康莊羊腸實係漢夷接壤
居是邦也尤賴佛法無邊于茲著雖曰無量禎祥亦由善功培
植自起蓋以來年久月深殿宇摧殘古剝蕭疎吾楚弟子靡不
寒心嘆前人之經始良不易也後人之繼修豈憚難哉於是糾
眾戮力同心凌雲鼓志樂而悅從厥勦落成燦然一新今茲群
工告竣鐫碑勒石流芳百世萬古不朽是為之序

關帝廟碑記

蓋聞教天地事聖神古今欽遵恭惟神武勅封靈佑關聖大帝
忠心貫日主萬世之綱常不墜義氣薄雲垂亘古之規矩恒新

聖天子崇其祀典享以太牢臣士民仰瞻神威胡望九叩予兩
涼武夫仰邀聖庇承恩北闕叨鎮斯土適逢交域內訌荷蒙神
庥露布凱歌官兵咸沐德澤是以統率本標都守潔誠捐資共
勸厥成重修廟貌敬其香火以表寸衷恐後磨滅故勒石以誌
不朽爾云

欽命總鎮雲南開廣等處地方總兵官孫起蛟於乾隆五十四
年五月上浣吉立

縣城壽佛寺碑記

竊聞佛入中國自漢明始厥唐宋之世不惟黎庶糾矜尊之

馬關縣志

卷捌

碑記

三三

雲南德生石印代印

敬之上而君相莫不監建寺觀繪塑金身梵宇遍區侈矣茲者
雖云佛自西來似遠無徵孰若我壽佛祖師生郴州修衡州成
正覺乎全

可據而脫凡入聖肉體猶存濟天下眾生度

人無量救一切苦厄佛法無邊故遍區佛刹罔不以誠以敬况
予湖省黎庶受庇者溥矣無論省府市鎮建寺供奉以昭誠敬
今邊疆馬白汎先年所君之賢人咸為湖省之客旅發心募化
建寺宇塑金身置長祝俾僧暮鼓晨鐘日日焚香於壽佛之前
洗心滌慮時時參拜於蓮臺之下斯時寺宇弘敞金碧璀璨抑
何盛也而今寢衰矣檐柱朽頽佛像成不可支廂房坍塌寺僧

弗堪托足予等瞻仰先人造跡意興恢復共勩盛舉各解囊金鳩工鞭石砌就佛宇俾頽者不致於終頽斜者不致於終斜佛宇煥然一新厥功告竣敢云善繼善述勒石以誌之是為序

八寨碑記

竊聞莫為之前美弗莫為之後盛弗傳是有美而藏於美所不見之地而後之人忘夫美而不能代前 憲以傳也如開邑

八里分銷

府

鹽九十萬觔向日收課三兩六錢四分民不堪

令有生員李占春張鼎張耀叩閣將三人分別軍徒奉

旨欽定三兩三分定例屢邀府主殊恩遵定章程飲水思源之

馬關縣志

卷捌 碑記

三四

雲南德生石印代印

際將此情稟請府主金頒示刻石蒙恩給示若不實貴是有美而藏於美所不見之地忘夫美而不能代前憲以傳也爰將前稟始末并部文憲恩給示美意鐫次於左內閣抄出

欽差兵部侍郎那 大理寺少卿章 奏雲南開化府民人張

鼎所奏從軍犯李占春指使赴京叩閣希圖翻案審擬治罪一

摺嘉慶八年三月二十九日奉殊批刑部核擬其奏欽此三十

日抄出到部該臣等議得據欽差兵部侍郎那等奏稱竊臣等

於本年潤二月初九日接奉上諭張鼎因伊兄張耀久禁圍圍

遠涉萬里叩閣其中恐有冤抑情事且聞張鼎所供情節按甲

押領官鹽始係該縣聽信鄉約尚林鹽書李錫等之言更改章程繼經張耀控准批示尚林等串同隱匿此等胥吏舞弊累民尤應嚴剴究辦現在那彥寶章照在復審案着接奉此旨後不必俟張鼎解到即就近提集張耀等一千人証先行詳查秉公確審定擬具奏可不稍有瞻徇至此張鼎來京控告係屬伊兄主使那彥寶等審明如果所控屬實則衝突儀仗之罪可量減一等問擬倘所控竟屬全虛即當加等照誣告例治罪以儆刁健等因欽此臣等即扎飭開化府將案內應訊人証提集解省并將府縣收發鹽餉底賬及該縣蕭晉連按甲押派底簿原

卷等項一併送核茲於本月初三四日陸續解到臣等詳覆卷宗親提研鞫除訊供治擬長文不錄外又據欽差兵部侍郎那等奏稱李占春主使教誨應照例充軍該犯已於前案問擬軍罪似毋庸重科張耀隨同李占春商量令伊弟張鼎赴京控告應照為從例問擬徒罪張耀亦於前案問徒亦勿庸重科其餘無干概於省釋等語均應如所奏完結再據奏稱開化文山行銷鹽餉每百餉例收課銀三兩何以該府示內有三兩六錢四分之語臣等檢查案卷嚴訊該縣蕭晉連自乾隆十六年原定浴部章程內每征課銀一兩有隨解課費八厘又鹽課銀兩例

應撥充兵餉每兩有坐平二厘於收征鹽課時可每兩隨征二厘在查粵鹽由剝溢運至府城計陸路十三站半每百每觔站費在須脚銀一錢七分共銀二兩三分除例准銷脚銀一兩八錢三分五厘外每百觔計不敷銀五錢六分加以解費項銷火耗等項不得不額外加增經閣部紳士公議每百觔加貼銀六錢由來已久前任知府劉青照恐日久滋弊是以出示曉諭於向定三兩六錢四分之外不許稍有增添均實屬在情形但此項津貼從未詳咨立案該縣百姓不能盡知係屬辦公往往藉口挾制官吏訟端由此而起自應永遠禁惟解費八厘坐平

馬關縣志

卷捌 碑記

三六

雲南德生石印代印

二厘每百觔共隨銀三分係屬辦定章程未便扣除其餘加增銀五錢七分概行裁革祇須照例每百觔征銀三兩三分即使脚費不敷該府縣設法樽節勿許絲毫累民俟後該處百姓領鹽納課諭令俱用庫平紋銀兌交以免官吏藉口傾銷火耗為多名取其粵省解到鹽觔着該府縣逐色查驗如有攙和沙土立即稟究若已經收明貯店行銷經百姓呈出攙和沙土鹽觔即將該府縣究辦至發銷鹽觔時經手書吏等短少斤兩以及折收于課等事實難保其必無亦應一併嚴行禁止責成督撫督道隨時查有犯即懲處以杜訟端而便民食等語恭候

命下臣等部移咨戶照例核辦等因嘉慶八年四月十六日奏
本日奉旨依議欽此

雲南開化府正堂加五級紀錄六次金

為

如稟給示遵守事據江那里民人張泰王堂何逢元儂老九等
稟稱緣開化文山額銷粵鹽九十萬觔內府鹽四十萬觔在於
府城古木馬腊江那設店行銷縣鹽五十萬觔在於樂童設店
行銷於嘉慶八年十月內蒙莊府主出示內開因吳前府主改
換章程致李占春張鼎等叩閣蒙欽差鄒大人審訊將李占春
張耀三人軍徒在案業經奉到

馬關縣志

卷捌 碑記

三七

雲南德生石印代印

部文飭令酌減每鹽百斤准收課銀三兩三分其先前陋規概
行裁革出示曉諭在案各里人民無不均沾膏露兼奉

部文之後果蒙歷任府主遵三兩三分收課銀益淨稱足仰體
皇恩浩蕩下逮厚澤保仁民等既屬含生負性之傳難忘食澤
飲和之恩回念莊府主所頒告示已被風雨吹殘蚩蚩之衆其
天良不禁悻悻幸逢福星榮臨是以稟懇仁恩俯賞查案再行
給示民等寶貴刻石永遠世守雖世易代殊得親

皇王子惠允元之人舉各府主登民社席之恩與新恩並垂千
古等情據此本府細查前案果給有示既被風雨吹殘猶復眷

亦心不忘足見爾等愛戴之誠合再出示曉諭為此示仰各里漢夷軍民人等知悉自示後遵照欽定章程奉到部文飭令酌減每發鹽百斤准收課銀三兩三分永垂定制民等勿得違例倘鄉約伙頭人等格外浮收許即指名稟究各宜稟遵勿違特示

永平里八寨張慶樓書

對聯

課減六錢嘉帝澤
功加八里慶皇恩

嘉慶

十六年九月十六日

江那等里實貼曉諭
給永平里八寨

馬關縣志

卷捌

碑記

三八

雲南德生石印代印

右仰通知

南山石礮碑記

竊思大道蕩平人堪托足倚梁飛卧車可投輪衢之通也行何患焉民國十年歲次辛酉月建甲午天吳怒桃埂悲駭浪崩堤驚波壞畝我關城西十里之南山河城南十五里之新窰河百年前原建兩石礮同於二十五日圯焉夫南山為搭車要道新窰亦入城通衢路程為滾澗所冲人馬被涌湍所阻隔岸相呼無飛來之漁艇蹇裳以濟有墜去於鷗鄉據此當途譬諸陷阱官紳憐病涉商賈慮難行敝會為公益機關不敢膜視爰提議

表決捐資修造蒙樂善君子分其鶴俸好施仁人助我鳩工共
結因果之緣齊聲落成之慶誰之功歟衆之力也此曰萬佛礮
彼曰議復礮取縣長萬家生佛議會倡首復建之義也第見虹
腰久著往者喜安瀾行者欣坦途應同雁序齊列感恩波之克
沛涵芳名於不朽云爾

民國十二年 十月 吉日

經修馬關縣城水清碑記

夫人為萬物之靈而飲食為吾人之天舉凡城郭烟村莫不以
倚山臨水為適宜之所在水秀山明人才亦因之傑出山水之

馬關縣志

卷捌 碑記

三九

雲南德生石印代印

關於人也重矣馬關萬峰疊翠環繞四周其間土阜綿亘溪流
低而弱無井水可汲所賴者龍潭水耳潭在海龍山麓距城十
餘里在山之泉本清而中途穿田度嶺收納幾多污穢冬春之
交復有截流之患甚至每水一挑需洋三毫以上不惟取汲者
感跋跋之難艱而一勺濁漿已屬不堪入口前人曾一度興修
由埒郭以石槽捲水年深日久傾頽無餘牧民者不加提倡可
慨也已今年春余履斯土目擊此種困苦乃召諸士紳而詢之
咸以無款告余不禁惻然曰此水不治為害大矣衛生且不顧
將何以濟緩急乎公暇乃溯流往探至松毛寨後山則見一水

晶瑩滔滔作響由此以至縣城不過七百餘丈雖不能購鉄質
之水管而燒泥筒以引之所費當無幾何況此水為全城市民眾
所必需以其日感困難何若捐些項之款以修之集腋可以成
裘眾擎自必易舉也夕陽西下仍順流而返即召諸紳決議撥
填地匪產三千作底由市民捐足萬元之數令委經理五人以
左紳進思李紳家祧李紳兆成劉紳作樑張紳夫源為縣中之
熱心者協同經理於是定工燒筒僱工砌井派工運料督工挖
溝不兩月間而一泓清泉滿城流遍矣是役也不惟除無窮之
苦且可備緩急之需斯亦市之民樂捐所致耳竊願飲其水而
思其源協其力而保其後永而久之是所至望開工於辛未之
季冬至壬申 月而工竣款日出納另詳別碑用誌數言以記
斯舉龍陵張自明謹識